

**TEZĂUR LITURGIC**

**6 APRILIE**

**ACATISTUL  
SF. CUVIOS-  
MĂRTURISITOR  
SEBASTIAN  
FOMIN  
DE LA OPTINA**



**MOSCOVA, 2000**



# **Ака́фист**

## **преподобному Севасти́ану**

### **Карага́ндинскому, испове́днику**

#### **Конда́к 1**

Избра́нный пре́емниче благода́ти ста́рчества  
О́птинскаго, в го́дину гоне́ний лю́тых кро́ткий  
за ве́ру Правосла́вную стра́дальче, гра́ду  
Карага́нде богода́рованный свети́льниче и всея́  
стра́ны Каза́хста́нския неусы́пный храни́телю,  
Церкве Ру́сския похва́ло и всех христоиме́нитых  
люде́й ра́дование, ублажа́ем по́двиги твоя́ и с  
любо́вию вопи́ем ти: Ра́дуйся, преподо́бне о́тче  
Севасти́ане, ве́ры Правосла́вныя испове́дниче.

#### **И́кос 1**

А́нгелов Творе́ц в послéдняя времена́ показа́  
тя, преподо́бне о́тче, ра́вна А́нгелом  
невеще́ственным твои́м жити́ем,  
священно́тайника же благода́ти, бу́дущая́ яко́  
настоя́щая прозира́ющая, и испове́дника твёрда́,  
гоне́ния бо и муче́ния за Христа́ претерпе́л еси́;  
те́мже воспева́ем тебе́ сицевая́:

Ра́дуйся, роди́телей благоче́стивых о́трасле  
благоуха́нная;

ра́дуйся, изде́тска благода́тию Ду́ха Свята́го  
просвеще́нный.

Ра́дуйся, благоче́стию роди́тельскому измла́да  
поревнова́вый;

ра́дуйся, во о́трочестве ко ста́рцу О́птинскому  
Амвро́сию на благослове́ние приведе́нный.

Ра́дуйся, притру́дное ино́ческое жити́е  
вседу́шне возлюбивый;

ра́дуйся, храни́ти чи́сте за́поведи Бо́жия  
измла́да себё положи́вый.

Ра́дуйся, от ю́ности твоея́ вся ми́ра сего́  
кра́сная Бо́га ра́ди презре́вый;

ра́дуйся, во оби́тель О́птинскую ста́рческаго  
ра́ди наставле́ния пришё́дый.

Ра́дуйся, во́ли своя́ всесовершенство́е  
отверже́ние показавый;

ра́дуйся, наста́вником духо́вным смире́нно  
себё покоривый.

Ра́дуйся, преподо́бнаго Ио́сифа кро́ткий  
учени́че и послу́шнике;

ра́дуйся, ста́рца богоно́снаго Некта́рия  
сподви́жнике и сота́иннике.

Ра́дуйся, преподо́бне о́тче Севастиа́не, ве́ры  
Правосла́вныя испове́днике.

## **Конда́к 2**

Ви́дя предивный Некта́рий, я́ко кро́тости ра́ди  
твоея́ и смире́ния дарова́ ти Небе́сный  
Дарода́тель благода́ть прозре́ния духо́внаго,  
преёмника́ своего́ тя нарече́, «ле́то» имену́я,  
милосе́рден бо к стра́ждущим яви́лся еси́; те́мже

научаемся всех благих Промыслителю пѣти:  
Аллилуиа.

## Икос 2

Разумъ благодатию Духа Святаго просвещен,  
имѣя, евангельски Бога возлюбил еси, суетную  
же славу мирскую оставль, Оптинския пристани  
достигл еси, идеже последовал еси Христу со  
духовными наставники твоими, житию  
постническому прилежа во смирении; сего ради  
вернии воспеваем ти:

Радуйся, тесный и прискорбный путь паче  
пространнаго возлюбивый;

радуйся, многомятежие мира лестнаго  
презревый.

Радуйся, яко боголюбезную чистоту душевную  
и телесную сохранил еси;

радуйся, яко постом и молитвою тленная на  
нетленная пременял еси.

Радуйся, яко постным воздержанием плоть  
твою духови покорил еси;

радуйся, яко послушанием и безмолвием  
страсти душевныя умертвил еси.

Радуйся, яко слезами покаяния землю сердца  
твоего напоил еси;

радуйся, яко земная отринув, ум твой к  
Небесным возвел еси.

Радуйся, яко сладчайшее имя Иисусово во уме  
твоём присно носил еси;

ра́дуйся, я́ко Святы́х Святе́йшим Сло́вом,  
Христо́м, Преве́чнаго Бо́га Отца́ позна́л еси́.

Ра́дуйся, я́ко благода́ть Уте́шителя чистото́ю  
се́рдца твоего́ стяжа́л еси́;

ра́дуйся, я́ко си́лу прозрѣ́ния и ста́рчества от  
Бо́га прия́л еси́.

Ра́дуйся, преподо́бне о́тче Севастиа́не, ве́ры  
Правосла́вныя испове́дниче.

### **Конда́к 3**

Си́лою благода́ти Бо́жия ста́рцы святи́и  
О́птинстии вожда́ху тя те́сным путе́м жити́я  
и́нческаго, да и жре́бий па́стырский и по́двиг  
испове́дания Христа́ Распя́таго и Воскрѣ́сшаго  
по́слежде воспри́имеши, Емуже́ во всем жити́и  
твоёмъ воспева́л еси́: Аллилу́иа.

### **И́кос 3**

Имы́й в се́рдце твоёмъ ве́ру твёрду, наде́жду же  
несумне́нну и любовь́ и́стинну ко Христу́ Бо́гу  
нашему, егда́ воздвиго́ша богобо́рнии гоне́ние на  
Цѣ́рковь Госпо́дню, смире́нне и со трѣ́петом  
священства́ даръ чрезъ возложе́ние рукъ  
архиере́йскихъ прия́л еси́, да спасу́тся от  
злосмра́днаго безбо́жия ги́бнущи; те́мже  
воспису́ем ти такова́я:

Ра́дуйся, Христу́, До́брому Па́стырю, усер́дне  
послужи́вый;

ра́дуйся, священно́таинниче Христо́в, дара́ми  
Ду́ха Свята́го просия́вый.

Ра́дуйся, ду́шу твою́ за словéсныя о́вцы  
Господни полага́вый;

ра́дуйся, путь спаси́тельный взыску́ющим  
Царства пропове́давый.

Ра́дуйся, к го́рнему Иерусали́му лю́дем вождю́  
богомудрый;

ра́дуйся, во благо́честии тружда́ющимся  
наставниче богодарова́нный.

Ра́дуйся, обурева́емым страстьми́ грехо́вными  
до́брый ко́рмчий;

ра́дуйся, немощны́м и неиску́сным учи́телю  
терпели́вый.

Ра́дуйся, изнемога́ющим от уны́ния и печа́ли  
благода́тное утешéние;

ра́дуйся, безпо́мощным скоропослу́шливый  
помощниче.

Ра́дуйся, чернори́зцем предивный о́тец и  
ста́рец прозорли́вый;

ра́дуйся, уста́вов О́птинских храни́телю  
ре́вностный.

Ра́дуйся, преподо́бне о́тче Севастиа́не, ве́ры  
Правосла́вныя испове́дниче.

#### **Конда́к 4**

Бу́ри гоне́ний лю́тых, безбо́жною вла́стию  
воздвиза́емая, не убо́явся, со все́ми  
новому́ченики и испове́дники Цёркве Ру́сския

и́го на себѣ благо́е Христо́во подъя́л еси́ и суровыхъ степе́й Казахста́нскихъ дости́гл еси́, иде́же безчи́сленное мно́жество страда́лец безви́нных горь́кою смѣртию сконча́шася; о́ ихже упоко́ении А́гнцу Бо́жию, о́тче благосѣ́рде, моли́твы приноси́л еси́, надгробно́е рыда́ние твори́ песнь: Аллилу́иа.

### И́кос 4

Слы́ша, я́ко по всей земли́ Ру́сстей ча́да церко́вная за ве́ру оте́ческую Правосла́вную смерть лю́тую и жесто́кая гоне́ния прие́млют, смире́нне в путь ско́рбный поте́кл еси́ и зи́му горь́кую, и пусты́нную тяготу́ ле́тнюю, и я́рость о́гненную муче́ний узи́лищных терпе́нием твои́м препобе́дил еси́, сла́дости духо́внаго блаже́нства ве́чнаго вкуси́в; сего́ ра́ди вопие́м ти си́цевая:

Ра́дуйся, ни́цетою духо́вною Ца́рства Небе́снаго насле́дивый;

ра́дуйся, пла́чем о гресе́х утеше́ние Христо́во прие́мый.

Ра́дуйся, я́ко а́лчбою и жа́ждею пра́вды Бо́жия нетле́нныя пи́щи Небе́сныя насы́тился еси́;

ра́дуйся, я́ко ми́лостию е́же к бли́жним сострада́ния ми́лость Бо́жию восприя́л еси́.

Ра́дуйся, во страда́ниях твои́х чи́стым се́рдцем Бо́га узре́вый;

ра́дуйся, вражду́ющия уми́ротвори́ай, те́мже и сын Бо́жий наре́ченный.

Ра́дуйся, изгна́нием пра́вды ра́ди Ца́рства  
Небе́снаго приобщи́выйся;

ра́дуйся, в поноше́нии и злосло́вии от  
нечести́вых во Христа́ oblekыйся.

Ра́дуйся, Божественному Промышле́нию себе́  
конече́не вручи́вый;

ра́дуйся, во изгна́нии от земна́го Оте́чества  
Иосифу прекра́сному подража́вый.

Ра́дуйся, в терпе́нии боле́зней и скорбе́й  
Иовлеву крѣ́пость показавый;

ра́дуйся, в крѣ́тком терпе́нии гоне́ний  
Дави́дово смире́ние яви́вый.

Ра́дуйся, преподо́бне о́тче Севастиа́не, ве́ры  
Правосла́вныя испове́днице.

### **Конда́к 5**

Боготе́чная звезда́, О́птинскими ста́рцы  
возжже́нная, яви́лся еси́, о́тче Севастиа́не  
досточу́дне: умо́м бо чи́стым, се́рдцем же  
смире́нным и душе́ю крѣ́ткою службу́ Бо́гу  
принося́, бе́ды претерпе́л еси́, и гоне́ния, и  
боле́зни испове́дания ра́ди Божественныя  
И́стины, ю́же жити́ем и словесы́ твоими́ всем во  
у́зах и изгна́нии су́щим явля́л еси́, немощны́я  
укрепля́я и ве́рныя воздвиза́я благодарне́ пе́ти  
Бо́гу: Аллилу́иа.

## И́кос 5

Ви́девши у́зницы крѣ́тость и лю́бовь твою́,  
удивля́хуся кра́йнему терпе́нию тво́ему. Мы же,  
ве́дающе многотру́дная стра́дания твоя́ и бо́лезни,  
ублажа́ем тя, апо́стольски во узи́лищи  
благовести́вшего, и помраче́нныя смы́слы  
челове́ков просвети́вшего, и и́же пре́жде  
диаволом уловле́нныя ко Христу́ приве́дшего, и  
благодарне зове́м ти:

Ра́дуйся, крѣ́не благоуха́нный, в пусты́нях  
Карага́ндинских процветы́й;

ра́дуйся, христопо́дража́тельными  
добродете́лями изсо́хшия ду́ши исцели́вый.

Ра́дуйся, неяде́нием и жа́ждею надол́зе в  
темни́це томимы́й;

ра́дуйся, в лиш́ениях сих Христа́ тебе́  
посѣ́бствующа обреты́й.

Ра́дуйся, николи́же по́стнаго воздержа́ния  
оста́вивый;

ра́дуйся, моли́твою к Бо́гу при́сно пламене́й.

Ра́дуйся, благода́тию Ду́ха Свята́го невидимо  
укрепля́емый;

ра́дуйся, си́лою ея́ люди заблудши́я от  
диаво́льския се́ти изыма́й.

Ра́дуйся, ко еди́ней, Святе́й, Соборне́й и  
Апо́стольстей Це́ркви заблужда́ющия приводя́й;

ра́дуйся, покая́нию и́стинному и  
благоче́стиво́й жи́зни их навча́й.

Ра́дуйся, прѣ́жде бесово́м служи́вша ко  
Христу́ обрати́ый и спасы́й;

ра́дуйся, тем пла́ч неутѣ́шный духо́вом зло́бы  
поднебе́сныя наведы́й.

Ра́дуйся, преподо́бне о́тче Севастиа́не, ве́ры  
Правосла́вныя испове́днице.

### **Конда́к 6**

Пропове́дует страна́ Казахста́нская, прие́мши  
в зе́млю свою́ то́ки крове́й новому́чеников  
Цѣ́ркве Ру́сския, равноа́нгельное твоѐ житиѐ,  
равноапо́стольныя тру́ды твоя́ и чуде́с  
мно́жество, преподо́бне ста́рче Севастиа́не  
испове́днице, на́уча́ющи ве́рных  
Подвигополо́жнику Христу́ Иису́су пе́ти:  
Аллилу́иа.

### **И́кос 6**

Воссия́ всем лю́дем казахста́нским от гра́да  
Караганды́ свети́льник добродѣ́телей твои́х, о́тче  
Севастиа́не: ты бо, я́ко о́блак све́тел и росоно́сен  
яви́лся еси́, пла́мень пра́ведно дви́жимаго на ны  
за грехи́ на́ша гне́ва небесна́го утиша́я,  
изсо́хшая сердца́ на́ша оживля́я и пло́ды  
добродѣ́телей приноси́ти помога́я всем  
воспева́ющим ти такова́я:

Ра́дуйся, безпло́дную пусты́ню Казахста́нскую  
пло́дами добродѣ́телей твои́х облагоуха́вый;

ра́дуйся, град Карага́ндѹ, я́ко ме́сто страда́ний  
благочести́вых христиа́н се́рдцем возлю́бивый.

Ра́дуйся, во и́мя Пресвяты́я Богоро́дицы  
пречу́дный храм та́мо устро́ивый;

ра́дуйся, в том в па́мь скита́ О́птинскаго  
приде́л Крестите́лю Иоа́нну воздви́гнувый.

Ра́дуйся, в хра́ме сем, я́ко в но́вей оби́тели  
О́птиной, вся благоле́пно учини́вый;

ра́дуйся, в моли́тве и ста́рчеством о ду́шах  
попече́нии неле́стно подви́завыйся.

Ра́дуйся, я́ко во дни и в но́щи во бде́нии  
присне́м пребыва́л еси́;

ра́дуйся, я́ко мно́гия и́ноки и иере́и, от  
гоните́лей разсе́янные, на ме́сте сем собра́л еси́.

Ра́дуйся, я́ко миря́н мно́жество под  
благода́тный кров Цари́цы Небе́сныя приве́л еси́;

ра́дуйся, я́ко мона́хом наста́вник прему́дрый  
яви́лся еси́.

Ра́дуйся, я́ко и все́му ста́ду твое́му па́стырь и  
учи́тель предоб́рый был еси́;

ра́дуйся, не я́ко госпо́дствуяй, но я́ко служа́й  
со обра́щенными тобо́ю пожи́л еси́.

Ра́дуйся, преподо́бне о́тче Севастиа́не, ве́ры  
Правосла́вныя испове́днице.

### **Конда́к 7**

Хотя́ Оте́чества Небе́снаго дости́гнути, а́ще и  
пе́рстною плóтию обложе́н, оба́че дух твой  
моли́твою воскрися́л еси́ и, к Бо́гу умо́м твои́м

восходя́, го́рняя добро́ты зрел еси́ сла́ву, со  
все́ми А́нгельскими си́лами воспева́я Бо́гу:  
Аллилу́иа.

### И́кос 7

Но́ваго тя граждани́на Иерусали́ма Го́рняго  
Вы́шний Царь показа́, ми́ра бо кра́сная вся, я́ко  
тле́нная, ни во что же вмени́л еси́, пусты́нное  
жити́е со ста́рцы равноа́нгельными  
предпочита́юща, и ду́ш одея́ние чистото́ю  
убели́в, и в ри́зу священства обле́кся, поноше́ния  
и гоне́ния Христа́ ради́ с ра́достью претерпе́л  
еси́, зане́же украси́лся еси́ дара́ми Ду́ха  
предивными; отню́ду же ве́рнии научи́шася пе́ти  
ти:

Ра́дуйся, от ю́ности в зако́не Госпо́дни  
поучавыйся;

ра́дуйся, во ино́честем жити́и  
невеще́ственным чино́м уподо́бивыйся.

Ра́дуйся, духоно́сных ста́рцев О́птинских и  
всех преподо́бных слико́вниче;

ра́дуйся, добропобе́дным му́чеником и  
испове́дником Христо́вым соприча́стниче.

Ра́дуйся, Бо́жиих священно́таинников  
благогове́йный сослужи́телю;

ра́дуйся, страда́льцев безви́нных  
мужестве́нный предста́телю.

Ра́дуйся, па́стырю, ду́шу за ста́до твоё  
положи́ти гото́вый;

ра́дуйся, мно́гия му́ки и злохуле́ния за Христа́ претерпе́вый.

Ра́дуйся, твёрдое ве́ры испове́дание непрекло́нне яви́вый;

ра́дуйся, вся ве́рныя во благо́честии изря́дне укрепив́ый.

Ра́дуйся, скорбьми́ мно́гими в ра́дость Го́спода вше́дый;

Ра́дуйся, ра́дость о́ную всем приходя́щим к тебе́ оби́льно пода́й.

Ра́дуйся, преподо́бне о́тче Севастиа́не, ве́ры Правосла́вныя испове́днице.

### **Конда́к 8**

Стра́нно чу́до бе, преподо́бне о́тче Севастиа́не, моли́тва твоя́, крото́сти и смире́ния испо́лнена: то́я бо све́том вы́ну озаря́емъ, Христо́в ум стяжа́л еси́, неизглаго́ланная та́инства познава́я и бу́дущая прозира́я, всех же притека́ющих к тебе́ от бесо́вских нападе́ний свобожда́я и на путь и́стины наставля́я, вопи́ющих к Бо́гу: Аллилу́иа.

### **И́кос 8**

Весь жела́нием божество́нным объ́ят был еси́, свяще́нне, и в светоза́рныя дни Пасха́льнаго торже́ства богоно́сною душе́ю твоёю в небе́сныя оби́тели возше́л еси́, иде́же Престо́лу Пресвяты́я Тро́ицы со все́ми святы́ми предсто́йши и слы́шиши от нас похва́льная сия́:

Ра́дуйся, от земна́го торже́ства Пасха́льнаго в  
радо́сть Па́схи ве́чныя восше́дый;

ра́дуйся, на землѣ́ всеко́нечне греху́ уме́рый и  
на Небеси́ нетле́нной жи́зни приобщѣ́ыйся.

Ра́дуйся, я́ко Святы́х Святе́йшему Иису́су  
Сладча́йшему во сла́ве ве́чной предстои́ши;

ра́дуйся, я́ко о всех чту́щих па́мять твою́ пред  
Ним хода́тайствуеши.

Ра́дуйся, сугу́бую благода́ть от Христа́  
прие́мый ищущим спасе́ния помога́ти;

ра́дуйся, да́ра сподо́бивыйся неду́ги душе́вныя  
и теле́сныя врачевати.

Ра́дуйся, ми́лости Бо́жия струя́ неизсяка́емая;

ра́дуйся, радо́сти духо́вныя, тишины́ же и  
ми́ра исто́чнице неисчерпа́емый.

Ра́дуйся, све́тлый о́блаче, зной страсте́й  
грехо́вных утоля́й;

ра́дуйся, роса́ благода́тная, сердца́ ве́рных  
ороша́ющая и веселя́щая.

Ра́дуйся, свети́льнице, све́том добродете́лей в  
нощи́ ми́ра сего́ нам при́сно сия́й;

ра́дуйся, гро́зде виногра́да Христо́ва,  
благода́тию Ду́ха Всесвята́го пита́й нас и  
веселя́й.

Ра́дуйся, преподо́бне о́тче Севастиа́не, ве́ры  
Правосла́вныя испове́днице.

## Кондак 9

Всякое естество Ангельское удиви́ся твоему́ пресла́вному в Го́рняя восхожде́нию, пресве́тлыя бо оби́тели небе́сныя прия́ша тя, Севасти́ане прозорли́ве, я́ко но́ваго насе́льника, иде́же с безплотны́ми Силами и все́ми святы́ми водворя́ешися и лику́еши, ко Го́споду взыва́я: Аллилу́иа.

## Икос 9

Ветии́ суемудре́ннии послу́шаша гла́са человекоуби́йцы су́ща искони́ и отца́ лжи вся́кия диа́вола, и зве́рем дивии́м подо́бся, устреми́шася на Неве́сту чи́стую Христо́ву, Це́рковь Правосла́вную, ея́же яви́ тя Подвигополо́жник тогда́ свети́льника и изрядна́ испове́дника; те́мже воспева́ем ти любóвию:

Ра́дуйся, муче́ний за испове́дание и́стиннаго Бо́га не устраши́выйся;

ра́дуйся, ду́шу твою́ за ве́ру Правосла́вную положи́ти не отре́кийся.

Ра́дуйся, преще́ний безбо́жныя вла́сти не убоя́выйся;

ра́дуйся, к позна́нию Бо́га во изгна́нии твоём и мучите́лей приве́сти потща́выйся.

Ра́дуйся, изсо́хшую серде́ц их пусты́ню слёзно́ю моли́твою твоёю напои́вый;

ра́дуйся, крото́стию и терпе́нием семена́ Ева́нгельская в ду́ши их посе́явый.

Ра́дуйся, гро́зныя ту́чи те́мных их помысло́в  
си́лою моли́тв твои́х разсе́явый;

ра́дуйся, к покая́нию и сокруше́нию  
сердечному́ тех приводи́вый.

Ра́дуйся, врата́ Ца́рствия Небе́снаго тем  
отверза́вый;

ра́дуйся, водо́ю от кла́дязя тех напо́яя, во́ду  
нетле́нную им подава́ый.

Ра́дуйся, от него́же у́зницы пи́щу и оде́жду  
щедре приима́ху;

ра́дуйся, его́же и ско́ти в зи́мний мраз тепло́м  
свои́м изрядне согрева́ху.

Ра́дуйся, преподо́бне о́тче Севастиа́не, ве́ры  
Правосла́вныя испове́днице.

### **Конда́к 10**

Спасе́ния иски́й, после́довал еси́ Влады́це  
Христу́, испове́днице святы́й Севастиа́не,  
отве́ргся се́бе и взем кресто́в свой, я́коже Госпо́дь  
рече́; те́мже смире́ния путе́м пости́гл еси́ вы́соту  
Небе́сную, Бо́гови любо́вию по́я: Аллилу́иа.

### **И́кос 10**

Сте́ну несокруши́му обрето́ша ты  
христоиме́ннии лю́дие земли́ Русския́, по  
кончи́не бо сла́вней твое́й повсю́ду чуде́са  
соверша́еши изрядна, я́ко от Бо́га прие́мь вене́ц  
нетле́нен и сла́ву ве́чну; те́мже вси ве́рнии  
благода́рне воспева́ют тебе́ си́це:

Ра́дуйся, Христа́, Бо́жию Си́лу и Прему́дрость,  
тве́рдо пред челове́ки испове́давый;

ра́дуйся, я́ко и Госпо́дь испове́да тя пред  
Отце́м Свои́м Небе́сным и святы́ми А́нгелы.

Ра́дуйся, блиста́нием Трисо́лнечнаго Свѣта  
ны́не осия́нный;

ра́дуйся, сокрови́ще моще́й твои́х в насле́дие  
ча́дом остави́вый.

Ра́дуйся, я́ко мо́щи твоя́ вся́кия ско́рби и  
боле́зни исцеля́ют;

ра́дуйся, я́ко ты́я в печа́ли су́щим и смущѣ́нии  
весѣ́лие прети́хое быва́ют.

Ра́дуйся, я́ко ты́я Воскресе́ние всео́бщее  
немо́лчно возвеща́ют;

ра́дуйся, я́ко от моще́й твои́х уязвленнии беси́  
отбѣга́ют.

Ра́дуйся, ча́ше, дары́ Бо́жия преизоби́льно  
излива́ющая;

ра́дуйся, сосу́де, ми́ро цельбоно́сное боля́щим  
источа́й.

Ра́дуйся, свети́льниче, су́щих во тьме и сѣни  
сме́ртней све́том Христо́вым озаря́ющий;

ра́дуйся, кади́ло, фимиа́м моли́тв  
богопри́ятных при́сно вознося́щее.

Ра́дуйся, преподо́бне о́тче Севастиа́не, ве́ры  
Правосла́вныя испове́дниче.

## Конда́к 11

Пе́ние благода́рственно Зижди́телю прино́сим,  
я́ко дарава́ ты всем и́щущим спасе́ния тве́рда  
засту́пника; те́мже, преподо́бне Севасти́ане,  
ру́ку по́мощи нам ско́ро ниспосли́, и грехми́  
присно погружа́емых из глубины́ губи́тельныя  
изведи́, и про́чее вре́мя жити́я в покая́нии  
сконча́ти сподо́би, да присно Бо́гови поём:  
Аллилу́иа.

## И́кос 11

Светоза́рное свети́ло, заря́ми немерца́ющаго  
све́та Пресвяты́я Трои́цы сия́ющее, всей земли́  
Казахста́нстей яви́лся еси́, предивне, луча́ми  
добродете́лей твои́х тьму поги́бельную разгоня́я  
и тепло́ю богоприятных моли́тв твои́х сердца́  
ве́рных согрева́я, и́же с любо́вию воспису́ют ти  
сицева́я:

Ра́дуйся, Казахста́нския страны́ благода́тное  
сокро́вище и украше́ние;

ра́дуйся, Руси́ Правосла́вныя ра́дование и  
утеше́ние.

Ра́дуйся, пу́стыни О́птинския благопло́дное  
прозябе́ние;

Ра́дуйся, гра́да Карага́нды покрове́ и  
удобре́ние.

Ра́дуйся, многотеку́щая реко́, сердца́ на́ша  
спаси́тельным уче́нием напо́яющая;

ра́дуйся, в мо́ри много́различных на́пастей  
погиба́ющим надё́жное приста́нище.

Ра́дуйся, злосмра́дие страсте́й от приходя́щих  
к тебе́ прогоня́яй;

ра́дуйся, от искуше́ний ми́ра, плóти и диа́вола  
ходата́йством твои́м свобо́жда́яй.

Ра́дуйся, нераска́янных грёшников к  
соверше́нному пока́нию воздви́заяй;

ра́дуйся, лука́вая по́лчища бесо́вская  
пресла́вне побе́жда́яй.

Ра́дуйся, ран грехо́вных врачу́  
благоиску́снейший;

ра́дуйся, сия́нием благода́ти Бо́жия ду́ши  
наша озра́яющий.

Ра́дуйся, преподо́бне о́тче Севастиа́не, ве́ры  
Правосла́вныя испове́днице.

## Конда́к 12

Благода́ть, от Бо́га ти да́нную, све́дуще, о́тче  
ми́лостивый, я́ко скоропослу́шлива ты приле́жно  
умоля́ем: вознеси́ дерзнове́нное моле́ние твоё ко  
Престо́лу Тро́ицы Живонача́льная, да  
сподо́бимся безпреткнове́нно преи́ти от земли́ на  
Не́бо; моли́ же, свя́те, Всеблага́го Бо́га и о гра́де  
твоём, и о святе́м хра́ме, его́же  
преподо́бническима рука́ма твои́ма созда́л еси́, и  
о хра́ме, в нёмже чудото́чныя мо́щи твоя́  
почива́ют, да вси ве́рою, благоговéнием и  
стра́хом Бо́жиим воспева́ют Бо́гу: Аллилу́иа.

## И́кос 12

Пою́ще дѣ́вная дѣ́ла Бѣ́жия и промышлѣ́ние  
Его́ о Цѣ́ркви Ру́сстей, зрим О́птину пу́стынь,  
мно́гая лѣ́та в пору́гании и разо́рении бѣ́вшу,  
па́ки ны́не украсившу́ся и мо́щи цельбоно́сныя  
ста́рцев сво́их обрѣ́тшу; град Караганда́ обите́ли  
сей свеселѣ́тся, стяжа́ бо сокрови́ще себѣ́, мо́щи  
еди́наго от собо́ра О́птинскаго; те́мже, чуде́ющеся,  
с любо́вию тебѣ́, испове́днице, вопи́ем:

Ра́дуйся, Бо́га Отца́ Безнача́льнаго служи́телю  
избра́нный;

ра́дуйся, А́гнца Бѣ́жия Христа́ му́жественный  
испове́днице.

Ра́дуйся, Бо́га Ду́ха Всесвята́го хра́ме  
нерукотво́рный;

ра́дуйся, честно́е Пресвяты́я Трои́цы носи́ло и  
похва́ление.

Ра́дуйся, в невече́рнем дни Ца́рствия Бѣ́жия  
почива́й;

ра́дуйся, трисвяту́ю песнь со А́нгелы и все́ми  
святы́ми воспева́й.

Ра́дуйся, заря́ми о́гненными благода́ти Бѣ́жия  
сия́й;

ра́дуйся, я́ко свети́ло светоза́рное Го́рняго  
Ца́рствия блиста́й.

Ра́дуйся, све́том благода́ти всех чту́щих па́мять  
твою́ просвеща́й;

ра́дуйся, ра́я Иису́сова дре́во чуде́точное, мног  
плод на по́льзу правосла́вным творя́щее.

Ра́дуйся, Виногра́да Христо́ва розго́  
благопло́дная, пита́ющая нас и веселя́щая;

ра́дуйся, Свята́го Правосла́вия непоколебимый  
сто́лпе и кре́пкое утвержде́ние.

Ра́дуйся, преподо́бне о́тче Севастиа́не, ве́ры  
Правосла́вныя испове́днице.

### **Конда́к 13**

О́, преподо́бне о́тче Севастиа́не, ве́ры  
благочести́выя испове́днице и крото́сти  
предивны́я сокрови́ще! Приими́ ны́не сие́ в  
похвалу́ твою́ от усер́дия на́шего приносимо́е  
благодарё́ние, и дерзнове́нным твоим  
хода́тайством испроси́ нам ве́ры непоро́чны  
соблюде́ние, ми́ра умире́ние, от гла́да и па́губы  
избавле́ние, грехо́в оста́вление и блаже́нныя  
вече́ныя жи́зни насле́дие, да с тобо́ю и со все́ми  
святы́ми поём ра́достно: Аллилу́иа.

### **Моли́тва**

О́, пречестна́я и свяще́нная главо́ и благода́ти  
Свята́го Ду́ха испо́лненная, Спа́сово со Отце́м  
обита́лище, ста́рцев О́птинских учени́че и  
прее́мниче, гра́да Карага́нды светле́йшее  
украше́ние, Казахста́нския страны́  
богодарова́нный моли́твенниче, Це́ркви Ру́сския  
па́стырю богопросла́вленный, си́рым и вдови́цам

засту́пниче, немо́щнымъ врачу́ безме́здный, прави́ло ве́ры и благоче́стия, преподо́бныхъ сожи́телю и му́чениковъ соприча́стниче, богоно́сне о́тче нашъ Севастиа́не досточу́дне! Къ тебѣ́ усер́дно прибега́юще, моле́ние те́плое прино́сим: отъ сокрови́щницы твоея́ пода́ждь и́ нашему́ убо́жеству; смире́ниемъ твои́мъ на́шу горды́ню низложи́; безстра́стиемъ на́ша стра́сти попали́; бо́дрствовани́емъ на́выкъ ле́ности отъ насъ отжени́; слезны́ми то́ки на́ше нечу́вствие пробуди́; бде́ниемъ отъ нераде́ния насъ возста́ви; моли́твами и въ насъ пла́мень моли́твы возжзи́; лю́бовию насъ братолю́бны сотвори́; пода́ждь же́ намъ духъ крото́сти и смире́ния, духъ чистоты́ и благоче́стия; отъ страсте́й многоне́дужия насъ свободи́ и ко и́стинному пока́нию приведи́. Ты́ бо во уме́ твоёмъ непреста́нно имѣ́л еси́ на Крестѣ́ Распе́ншагося за насъ Сы́на Бо́жия, Того́ сладча́йшее И́мя во уме́ и въ се́рдце непреста́нно имѣ́ти и насъ научи́, да лю́бовию Тому́ пламене́юще, стра́шный о́ный день Су́дный сре́тити угото́вимся, и въ Ца́рствие Небе́сное вни́ти съ тобо́ю сподо́бимся, сла́вити и воспева́ти Триеди́ную держа́ву Бо́га на́шего: Отца́ и Сы́на и Ду́ха Свята́го во ве́ки. Ами́нь.

Текст акафиста утвержден решением Священного Синода от 26 декабря 2019 года (журнал № 163).



# ПОЛНЫЙ АКАФИСТНИК КАНОНИЧЕСКИЙ

АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ

І

НОВОЕ  
\* НЕБО